

Powšitkowne WOZJEWJENJA

njedźelu, 23. apryla 2017

Hłowna zhromadźizna Towarstwa Cyrila a Metoda

Předsydstwo Towarstwa Cyrila a Metoda z.t. (TCM) přeprašuje wšitkich člonow towarstwa, člonow sekcijow a korporacijow kaž tež zajimowanych hosći na swoju hłownu zhromadźiznu pónđzelu, 24. apryla, do Kulowa. Započnjemy we 18.00 hodź. z Božej mšu w cyrkwi, kotruž wuhotuje chór Bratrowstwa. Přizamknje so zhromadźizna na Bosćanowej žurli. Dnjowy porjad je w Katolskim Posole wozjewjeny.

Jurij Špitank, předsyda TCM

Beneficny nyšpor w Chrósćicach

Na dobro dawno trěbneje techniskeje reparatury našich pišćelow wuhotujemy tutu nje-
dźelu, 23. apryla, w 14 hodź. w našej farskej cyrkwi w Chrósćicach beneficny nyšpor
z dujerjemi, spěwarjemi a dalšimi instrumentalistami. Wjeselimy so na bohaty wopyt
a nadźijamy so šćedriwych darow w zběrce. Štóž chce swój dar njehladajo na to
přepokazać, njech wužije wosadne konto Pfarrei HI Ap Simon und Juda, IBAN: DE1475
090 30 000 0829 8998 a poda hesło „Orgel“. Štóž trjeba darowansku kwitowanku, njech
poda swoje předmjeno a mjeno kaž tež swoju adresu.

Farar Měrcin Deleńk

Proba oratorija „Serbske jutry“

Wšitke chóry, kotrež oratorij „Serbske jutry“ sobu spěwaja, přeprašuju sobotu, 29. apryla,
wot 14.30 do 18.30 hodź. na přichodnu probu do Chrósćanskeje „Jednoty“. Njech po
móžnosći wšitcy hač do kónca na zwučowanju wostanu.

Friedemann Böhme

Putnikowanje do Częstochowy

Tež lětsa pozbudža farar Beno Jakubaš, so w serbskej skupinje na putnikowanje z War-
šawy do Częstochowy podać. Hić smě kóždy sobu, kotryž je 18. žiwjenske lěto docpěł.
Termin putnikowanja je wot 5. do 15. awgusta. Zajimcy njech so hač do njedźele, 2. julija,
pola fararja Bena Jakubaša w Radworju přizjewja, telefonowe čisło (0 3 59 35) 2 07 13.

Wohnjowi wobornicy do Różanta

Džakna Boža mša wohnjowych wobornikow ze Zarjadniskeho zwjazka Při Klósterskej
wodže budže pjatk, 5. meje, w 19 hodź. w hnadownej cyrkwi w Róžeńce. Wšitcy wobor-
nicy kaž tež hosćo su k tomu přeprašeni.

W lětnich prózdnicach do Sakskeje Šwicy

Dekanatne dušepastyrstwo přeprašuje šulerki a šulerjow wot 6. do 8. lětnika wot 17. do
20. julija na zhromadne dny w Rosenthalu-Bielatalu. Nadrobniše informacije nańdžeće
na wupowěsnjenych plakatach w serbskich wosadach kaž tež pod www.posol.de.

Nyšpor z požohnowanjom motorskich

Popołdno z požohnowanjom motorskich zahaji so njedźelu, 7. meje, w 14 hodź. z
nyšporom w Rałbičanskej cyrkwi. Přizamknje so zhromadny wulět.